



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

Quod optimus Medicus debeat esse Chirurgus.

ORATIO.

Habita in Archi-Lycæo Patavino;
die 19. Nouembris, 1681.

A CAROLO PATINO,

EQVITE D. MARCI, DOCT. MEDICO PARIS.

Primario Chirurgiæ Professore.



PATAVII, MDCLXXXI.

Typis Io: Baptistæ Pasquati. Super. Perm.

Illustrissimo & Excellentissimo D.
D. HIERONYMO
BASADONNA,
SENATORI AMPLISSIMO,
ACADEMIÆ PATAVINÆ MODERATORI,

CAROLVS PATINVS.



*V*irtutē gratias agere mihi viderer, Illustrissime & Excellentissime Vir, quin & in angulo & ad aurem, ut ait Seneca, nisi palam Auditoribus meis, litterariæque R. P. quantum Tibi debeam exponerem. Serenissimus Princeps me, juxta III. Virorum academiam Moderantium decretum, in primarium Chirurgia Professorum assumpsit: Tu vnus ex illis nominatum me atque ita commendatum volueras, ut ex omnium consensu ea provincia mihi committeretur. Tibi itaque maximè, Excellentissimis DD. Moderatoribus, ac vniuerso Senatui Veneto ampliatos honores, adauctumque stipendium me debere profiteor. Quamuis autem id beneficium in me solum collocatum esse videatur, duplex ab eo exortum iri cōiunctio; scilicet ut pluribus Europæ litteratis excitamentum euadat, tam iusto, tam benigno, tamque magnifico Principi sua studia suosque labores consecrare; deinde ut Professoribus collegis meis, idem sit incitamento, egregiè ut solent, imò & alacrius pergere, honorificis in officijs sibi a Serenissima R. P. commissis. Mihi verò de Te tantis de causis cogitanti, venit in mentem illud D. Augustini; Quid melius & animo geramus & ore promamus & calamo explanemus, quam Deo gratias? Hoc nil dici breuius, nec audiri lætius, nec intelligi gratius, nec agi fructuosius potest: Gratias quippe Deo agere possumus, referre non possumus. Innata moderationi Tuae vim vllam inferri hac comparatione non existimes, Vir optime, pro Dijs enim habendos esse qui benefaciunt suadent & Cato, & bonus ingenui cuiusque Genius. Immensis tuis in me promeritis hoc in præsentiarum adde, ut serena fronte, chartaceum hoc munusculum purpurato nomine tuo insignitum, excipias.

Quæ mihi præstiteris, memini, semperque tenebo.
Deus Te, Cardinaliæque Petrum fratrem tuum, Ecclesiæ, Reipublicæ, Academique nostræ diuissimè seruet.

E Museo Patavino, prid. Id. Nou. M DC LXXXI.

*Illustrissime ac Generosissime Pro-Scyndice, Patres Sapientissimi,
Auditores benewoli.*



Lerisque Medicis accidere solet quod Athletis exprobat Galenus, victoriam in Olympicis summè cupientibus, neque tamen ad ipsam obtinendam necessaria præstantibus. Quis enim Medicorum est, inquit, qui Hippocratem non laudet, quique illum vt summum artis dictatorem, non veneretur? paucissimis porro illum imitantibus aut imitari contendentibus. Prauam hominum educationem, lucrum virtuti, fallacesque voluptates honestis laboribus anteponentium, tanti mali causam esse Galenus opinatur, a quo nullus amplius Phidias inter statuarios excellit, nullus Apelles inter pictores, nullus Hippocrates inter Medicos: Ad id apprimè reuocanda sunt Dictatoris verba, *in lege*, *Ἰατροὶ φήμῃ μὲν πολλοὶ, ἔργῳ δὲ πᾶν γὰρ βαίσι*: Medici, nomine quidem multi, re verò & opere paucissimi existunt. Quot infaniquæso, turpi *φιλαργυρία* atque libidini seruientes, neglectis studiis ad hominum salutem conducentibus, artem exercent quam vix intelligunt? Quam pauci sunt ab opposito, qui diuinæ artis medicæ consummationem ambiant, sibi alijsque sanctè profuturi? In his familiam meritò ducit diuinus noster Senex, qui non præceptis solum & dogmatibus innumeris quid sectandum vitandumque sit, non fucatan, huius artis scientiam affectantibus ostendit, sed & exemplo suo totaque vita ad memoriam futuri temporis, & imitationem posterorum, sempiterna sua cum laude declarauit: Regum Regi Artaxerxi, vt Græcorum hosti, operam recusando; Perdicam Macedoniæ Regem industriè curando; pauperes strenuè visitando; Illyrios ab inuadente peste liberando, Græciamque præseruando; Filios suos, generum, aliosque discipulos, medicos probè instructos, tanquam Imperator Duces, huc & illuc mittendo; regionum situm & naturam indagando, aquarum & aëris temperiem inuestigando; Solis astrorumque vires, quatenus humani corporis valetudinem immutant, perpendendo; paucis omnia complectar, vniuerso generi humano, Numinis instar, benefaciendo. Hæc certè vt Hippocratem summum Medicum fuisse demonstrant, probant eadem & summum Philosophum; id eleganter explicante Galeno, eo in libello cui titulus est, *Quod optimus medicus sit idem & philosophus*, *ὅτι ἄριστος ἱατρός καὶ φιλόσοφος*. Sepositis ejusmodi argumentis, ea declarare in præsentiarum constitui quæ præstantem Medicum eundem Chirurgum esse debere comprobent. Rem sane perdifficilem, si delicatis hominum moribus at-

A 2

tendatis,

tendatis, à laboribus abhorrentium, artemque quasi sibi infusam profitentium; qui nulla ferè animi ratione habita, in corporis voluptatibus ignauoque otio summam felicitatem constituunt. Animet me porrò Pergameni Heròis imitamentum, solitaque faueat vestra benignitas, Auditores humanissimi, & id quod in gratiam nobilium quos intueor Studioforum mihi proposui, ritè consequuturum spero.

Medicinam constat duplici beneficio homines afficere, & cum sanos præseruat & cum ægrotantes liberat: Constat deinde vtrumque officium præceptis indicari, a natura primùm eductis, longo deinde rerum vsu confirmatis atque perfectis. Artem ideo in θεωρητικὴν & πρακτικὴν diuidere placuit, hac ad opus in indiuiduis reuocantem, quæ prior sola speculatione circa sanandos homines vniuersaliter statuerat. Medicos tanto labori sustinendo impares subleuauit prudentissima officiorum diuisio, adeo vt alij circa sanitatem tuendam restituendamque nudè philosopharentur, alij manus operi admoherent, alij denique medicamentis præparandis, cibis coquendis, viliioribusque ministerijs, naturæ lapsus pro viribus sufflaminarent; omnibus ex nutu Medici ad hominum salutem miro consortio dispositis. Commemorat Herodotus, in Euterpe, Hippocratis coætaneus, Ægyptios singulis suis morbis membris-ve peculiare præfecisse medicos, quibusdam caput curantibus, alijs oculos, alijs ventres. Itaque in subsidium Medicorum acciti sunt Chirurghi quos communi nomine *Medicos ἱατροὺς* cum antiquis scriptoribus nuncupare nil vetat; ipsis præcipuè cum docta accensit industria quæ illos χαρίετας commendet, cujusque maximè beneficio, corpus humanum suis priuilegijs, integra scilicet sanitate, summo naturæ bono fruatur & gaudeat. Hanc autem ipsam industriam Chirurgis ita communicatam esse intelligo, vt à Medicis nunquam aut derelicta aut intermissa aut spreta veniat, neque hos operi minùs intentos esse debere, quàm si sananda membra proprijs manibus coniungenda, secanda, vrendaque forent. Id abundè probatum mihi persuasero, cum Chirurgiæ præstantiam, vtilitatem atque nobilitatem vestris oculis subiectam exposuero.

Vt hominum nobilitas eadem ac Majorum claritas, ab Aristotele traditur, sic artium nobilitas ab antiquitate, operis dignitate & artificis virtute deriuatur. Quid autem Chirurgia antiquius? quid ad humani corporis salutem accomodatius? quid liberali ingenio dignius? Vetusissima historia Machaonem celebrant Æsculapij filium, Medicum πολλῶν ἀντάξιον ἄλλων, qui Regem Agamemnonem ad bellum Trojanum properantem sequutus, amplissimam suis commilitonibus operam præstitit, vulnera obligando, illaque ferro & medicamentis curando:

curando : Sagittas Menelao Regi infligās mira dexteritate illum detraxisse autor est Homerus , *Ἰούς τ' ἐκτάμειν , ἐπὶ τ' ἥπτα φάρμακα πάσσειν* . Vulnere contemplatum , sanguinem expressisse , siccæque medicamina insperxisse , summi Chirurgi elogium hāc suā industria meritum ; Cujus deinde *δξιόματα* vulgavit Hippocrates de *ulcer* . Ulcera quælibet humectare non oportet : *Ελκτα ξύμπαντα οὐ χρὴ τέγγειν* , Ulceris enim exsiccatio sanatio est . *Ὅου χρὴ ἐμπλάσσειν τὰ φάρμακα πρὶν ἀνπανὺ ξηρὸν ποιήσης τὸ ἔλκος* . Vetusissimam medicinæ partem esse Chirurgiam censuit Plato , *l. 3. Polit.* quam ut vtilissimam suæ Reipublicæ admisit ; Diætam verò ut solius quæstus gratiā excogitatam repudiavit , humanam huic assignans originem , illi diuinam . Eusthatius , *ad Iliad. 8.* Chirurgiæ antiquitatem alio argumento sibi vindicat : Cum enim , inquit , optima viæ ratione vterentur prisci , pancreaticè valebant , nisi morbis extrinsecus violententerque infligis afficerentur . Galenus noster , *ad Tbrasibulum* , nullam fuisse primis temporibus viæ ordinandi artem asserit , neque illa medicinæ parte vfos veteres , quod nullis indulgerent cupiditatibus , summèque temperantes essent . Quot parasangis inferiorem recentiorumque dicemus *φαρμακίαν* alteram Chirurgiæ sororem , quæ nonnisi longo temporum tractu , dubioque admodum euentu in Medicinæ partes seu filias admissa & cooptata est . In illarum gratiam non erit obijcienda Chirurgiæ sæuitia , quam sæpe comitetur dolor , ab visione sectione-ve inseparabilis : Litem a sacro codice , *prou. 27.* diremptam omnes intelligant , *Meliora sunt vulnere diligentis , quàm oscula odientis* . Chirugos itaque ut antiquissimos Naturæ Sapientiæque ministros omni honore dignos censeamus . Optimum quemcunque arbitratur Vell. Paterculus esse nobilissimum ; quod olim scripserat Comicus Menander , *Ἀνὴρ ἀριστος οὐκ ἂν εἴη δυσγενής* .

Absint itaque fumosæ imagines superbaque stemmata , nisi gloriam a maioribus partam generositas virtusque suffulciant . Erudita qualibet arte claros pro nobilibus ducamus , quibus ut terræ filios opponamus ignaua quælibet pectora licet ab Hērōibus prognata :

Nobilis est solus virtute insignis & arte .

Sed ad Chirurgiæ vtilitatem accedamus , quam cominus perspexerit qui sola ejus objecta numerauerit : Quot , quæso , vulnere modi ? Quot ulcerum differentiæ ? Luxationum & fracturarum varietatem , adeo immensa est , quis obseruauit ? His addamus innumeros tumores præter naturam , sinceros compositosque , quibus ut plurimum solius Naturæ ope incurabilibus , sola ars Chirurgica , tanquam Deus & machina *Θεὸς ἀπὸ μηχανῆς* tutò citòque medetur . Febres doloresque

que nonnunquam soluit benigna parens, Φύσις τῶν νοσῶν ἰατρὸς, inquit Hippocrates, l. 1. ἐπισθ. at supramemoratos morbos sanandos sibi soli seruat Chirurgia, nulla prorsus alia arte attingendos. Quid antecedentibus omnium morborum causis obstat, plethoræ & caco-chymia, præter frequentissimam venarum sectionem, quam ideo princeps remedium & ἡγεμονικόν, medicinæ Proceres nuncupauere? Quid vltro memorauero mirabilem dentium evulsionem, sæuissimis finiendis doloribus, ab Æsculapio tertio adinuentam, teste Cicerone, l. 3. de nat. Deor. Nervorum curationem à Galeno excogitatam comprobataque recensent qui ejus vitam scripserunt. Veterum inuentis Parisienses Medici ipsorum tendinum suitionem addiderunt, quam feliciter perfici frequens me docuit experientia. Extractio calculi è vesica tantæ utilitatis est, vt morituro inter cruciatus homini nullum sit aliud præsidium, sæuitiam operis leniente excusanteque necessitate. Iam enim diu est a quo sapientiores medici λιθοντριπτικὸς valedixerunt, solo nomine retento, quod imperitis agyrtisue obijcerent. Quid de paracenthesi dicam, ducendis hydropicorum aquis? Quos olim ad ruptionem tumidos tota Medicorum familia seruare nequibat, vna acus eaque exigua feliciter liberat. Notum jam vbicumque remedium, cujus gratiam D. Thouvenot Gallo Sabaudia Ducum peritissimo Chirurgus acceptam refert totus orbis litteratus. Horum miraculorum, messem amplissimam vobis exponerem, Diligentissimi Philatri, nisi eandem in sequentibus exercitationibus sedulo examinandam mihi proponerem. Nunc aperte pronuntiare liceat, non minorem Chirurgis deberi gloriam, quam olim Thracum Regi Zamolxidi decreuit antiquitas, qui ἀπαθανατίζων perhibebatur: Hi quippe suis operibus, veris ac ille suis præceptis, immortalitatem condonare videntur.

Artium præstantissimam cum docuit Hippocrates esse medicinam, quid vetat de Chirurgia interpretari, manifestè tutòque supra Diætam aut Pharmaciā sanante. Obscura sunt illius præcepta, nec vlli probè satis cognita: hæc periculis plenissima est, quæ nonnisi experimentis innumeris, adeoque fallæ interpretationi obnoxia innititur, ἢ δὲ πείρα σφαλὴν, vtrique juxta Plinium, inconstantissima. Chirurgiæ soli ex medicinæ filiabus adstipulantur oculi, manus & ingenium, quorum erudita industriaque concordia salutifero operi absolutè necessaria est. Maximus deinde præstantiæ fructus accipitur, inquit Romanorum eloquentissimus, de amicis. 62. quum in proximamque confertur, quo certè Chirurgicam artem a nulla alia superari nemo inficiabitur. Hinc Hippocratem maximè laudat Celsus, non modò quod medicinæ Parens exstiterit, aut vir fuerit arte & facundia

facundia clarissimus, sed quod manu curare calluerit, & Chirurgiam supra quoslibet excoluerit. Non aliter Galenum ad apicem gloriæ peruenisse existimant, quam Chirurgicorum operum administratione; quippe qui juvenis XXIX annorum, oblatam a Pontifice Max. gladiatorum curationem tanta felicitate suscepit, ut nemo ante ipsum rariora viderit funera: Atque cum παραδοξολογος & παραδοξοποιος appellaretur, M. Aurelij Imp. archiater renuntiatus, ipsi auguræque ejus vxori Faustinae gratissimus, postmodum omni laudum genere dignissimus, referente Eusebio, *hist. eccles. l. 5.* pro Deo cultus fuerit. Præstantes ergo salutem hominum procurantes Chirurgos celebremus, & verè Sisyphos: Hoc quippe nomine prædicat Eusthatus, *ad iliad.* ζ. qui Mortem a Ioue seu fato immissam ligavit, & ita coercuit, ut nullus mortalium tunc temporis periret. Quidni & Hercules nuncuparemus strenuos tot morborum seu monstrorum debellatores, qui Herois illius instar continuò luctari continuòque vincere non intermittunt, agere & pati fortia non desinunt. Chirurgiæ præstantiam asserunt præterea tot illustria capita quorum contactum morbos propulsasse fama est. Missis Pelopis aliorumque facinoribus fabulam redolentibus, Pyrrhum ex Plutarcho commemorare liceat, sola lienis compressione jacentes curantem. Imp. Vespasianum refert Suetonius, *cap. 7.* oculis captum, debilemque crure, spuito adhibito sanasse. At cur Veterum historijs inhæreo? nonne constat sacro Regum Christianissimorum contactu strumosos liberari? Ipsi Hispani apud quos strumæ populares sunt, ἐνδύμιας, id palam publicèque confitentur, vndiquaque Parisios ad salubrem illam manuum operam confluentes, quas verè Θεῶν χεῖρες Deorum manus experiuntur. Sed quod omnia superat, Christus Servator noster, nonne verbo atque contactu infirmitates sustulit? Quo certè Medicinam Chirurgiamque summa decorari præstantia concluditur, quarum opera Deus ipse non dedignatus est.

Sed incautus quid dixi, quid in vestram mentem reuocaui, Benignissimi Auditores, cum Chirurgiæ laudes, splendorem & encomia vobis exposui, quibus sustinendis imparem me prorsus sentio? Frontem adeo duram Natura non concessit quam rubore non profundat præstantissimorum virorum series in quam cooptor.

Non adeo nostro fugit ab ore pudor.

Dij immortales! quanto stupore opprimor cum tenuitatis meæ valde memorem me percellant tantorum virorum nomina, Petri Mainardi, Andreæ Vesalii, Realdi Columbi, Gabrielis Fallopij, Hier. Fabricij ab Aquapendente, Iulij Caserij Placentini, Adriani Spigelij, Ioannis Veslingij, Petri Marcheti, Antonij Molineti: nomina inquam am-

plissima,

plissima, ut Serenissimæ Reipublicæ sic & litterariæ æternum gratissima. Quibus & Dominicum de Marchetis attexerem, nisi virtutis eruditæ famam ipse vivus industriè sustineret.

Furentibus maris procellis volentem se commississe Pompeium Magnum, Senatus imperio magis quam propriæ salutis attentum refert Plutarchus: Monentibusque amicis satius fore levi temporis dispendio nimborum turbinumque pericula vitare, majore animo respondisse, *Navigare necesse est, vivere non est necesse*: Πλὴν ἀνάγκη, ζῆν οὐκ ἀνάγκη. Mihi vastum Chirurgiæ pelagus subeunti, Pompeij verba imitari liceat, *Servire necesse est, vivere non est*. Serenissimo Principi placuit honorificam hanc sedem a me occupari, quam etsi nec postulata aut ambita, abnuere crimini quisque duceret; Illi Deus dedit imperium, mihi obsequij gloria relicta est. Nec me satis juvat eodem officij genere jam a quinque lustris functum fuisse, tyronesque Chirurgo per aliquot annos in orbis appendice Lutetia docuisse, cum pudorem meum hæc potius renouent quam deleant. Vos videritis, Illustrissimi & Excellentissimi academiarum Moderatores, quorum soli beneficentiæ hos honores me debere profiteor. Non ita me occæcat φιλαυτία, ut quidquam de Vobis meritum me existimem; merendi porro spe ducor amplissima, cum vos publico bono nati, tanta dignatione formandis Medicinæ & Chirurgiæ studiosis præponendum me decreuistis. Interim cum nihil tam æqualiter in omnium animos receptum sit, quam benemeritis gratiam agere, æquo animo patiamini hoc meum erga Vos venerationis testimonium. Notum equidem mihi est, quod Vobis æqualem beneficio gratiam nunquam referre poterō, illud certè non desinam palam & vbique confiteri, me referre non posse.

Perpendenti deinde mihi quot & quantos viros hoc in suggesto dicentem me audientes video, vereor qualemcumque ingrati animi notam subire, cum nequidem quantum illis debeam explicare possim. Non perdidistis tamen beneficium, Auditores optimi, si tantæ vestræ patientiæ, tantique collati in me promeriti recordatio Vobis sufficiat, quam in præcordijs æternum duraturam omnino polliceor.

D I X I.

005644147